

LA

# SIMONA

DALLA SAMBUCA

La quale v`a cercando da Filare in Bologna

*Dove si sentono le Gagliardisfe di cinquanta  
Filiere, con i lor Nomi, e Cognomi*

In Lingua Rustica del Croce

BIBLIOTECA  
COMUNITATIVA  
DI BOLOGNA



In Bologna per Ferdinando Pifarri, all' Insegna  
di S. Antonio. Con lic. de' Superiori.



**D**onn miè a son vgnù  
A star dman qui giù da vù,  
Cham dadi da filar,  
Perchè a cerc d' guadagnar.

**A** viegn sù dal Muntagn,  
Chmod a psi vder a i pagno,  
E al calz d' bifel,  
Chim van a campanel,

**Mic** Mari dsgrazia  
E andà viè con i Suldà,  
Quand l' hà udì tucçar tambur,  
L' è ben ver cha n' m' incur.

**Che** s' ben' al stieva a cà  
Al vleva cun se sà  
Ch' mi i fies el spes a lù,  
E ugn dste al m' tucçava sù.

**Basta** al m' ha lasà suletta,  
E dal pan a n' n' ho una fetta,  
Es ho quattr pattuzzin,  
Ch' staren sotto un curghin.

**Mo** s' ben anch a son mi sola  
A furnis la famiola,  
Es fò l' spes a i Tus  
Cun la Rocca, e cun al Fus.

**Ch'** frà tutt il Filir  
A son presta in tal mastier,  
E la nort a fil più mi  
Che n' fà gli altr pr d' di,  
**Barba Riz** mic compar

Ha un gallett in tal pullar,

Quand

Quand a sent ch' al falta sù  
Nev pinsà cha dorma più.

**Mò** am arsent, dit, e fat,  
Es sbalz sù in tun trat,  
Es m' met al mie guarnel,  
Al grimbàl, e al pansel.

**Quand** pò am son asubà  
A min vagh d' tirà  
Vers al bus dal murel,  
Es tui un sulfanel.

**E** pò tir sù al stupin  
Dla lum, un puchtin,  
Es al bagn, e pò l' appiz,  
E pò faz inanz i stiz.

**Quand** a jò po apres al fuog  
Am arset po in tal mie luog,  
Zuè li in tal mie canton  
Cun la mia Roccha a galon.

**E** li prilla, storz, e tira  
Tutt' al di fin a la fira,  
Imp, vuoda, cava, e mett,  
Fila, inaspa, e fà gavett.

**An** manz ma un bcon  
Donn mie, che m' sava bon,  
Pr la gola d' lavurar  
A no temp d' manzar.

**Quand** a tui al fus in man  
A mett in gremb un pan,  
Es tign' bcunza,  
Mentr a cui sù gli aguchia.

A 2

A jò




A jò po quest pr us,  
Chan dispic ma al mie fas  
S' al nè gross d' piena man,  
Ch' tutt l' mi vsin al fan.  
Ay vuoi mo dir d' più  
Chal s' atrova sù da nù  
Da cinquanta Muntanar,  
Ch' n' fan alter che filar.  
E s' a vli cal diga tut  
Si dal vecch com dal put,  
Al dirò s' a stadi attent,  
Chal jò tutt in tla ment.  
Prima al jè la zè Sabetta,  
E la guerza dal Mzetta,  
La gubbina d' Savor,  
E la zoppa dla Fior.  
La Zvanna d' Taccon,  
La Flippa d' Vergon,  
La Tugnina d' Burgot,  
La Salvestra d' Fagot.  
La Minghina d' Sturnel,  
La Battista d' Brunel,  
La Zirona d' Galvan,  
La Lùrenza d' Suvran.  
La Mattia d' Midaz,  
La Pronia d' Buttaz,  
La Muretta d' Ranocch,  
E la Basina d' Battoch.  
La Pirina d' Stupin,  
La Lcia d' Sabbadin,

La

La Nstasia d' Pajariz,  
E la Plunia d' Sturiz.  
La Dunina d' Marchet,  
L' Algranda d' Schippet,  
La Ghidina d' Stupai,  
E la Minetta d' Burcai.  
La Gnesia d' Sambug,  
La Marchetta d' Pacchiugh,  
La Muretta d' Stramaz,  
E la Luschetta d' Spinaz.  
La Viola d' Rondon,  
La Dratia d' Galavron,  
La Santina d' barba Meng,  
E la Ghirarda d' Rameng.  
La Lzadra d' Scappin,  
La Biundina d' Lumin,  
La Pandora d' Radicch,  
E la Mingarda d' Caviçch.  
La Tadia d' Quartiroi,  
La Zintil d' Gangajol,  
La Barbosa d' Zangion,  
E la Pavlina d' Piston.  
La Cattoza d' Buraz,  
La Spranza d' Tinaz,  
L' Urslina dal Cogol,  
E la Mantina d' Sadol.  
La Sandrella d' Scartoz,  
La Zuffetta d' Barboz,  
La Tunella d' Zambajon,  
E la Niclosa d' Zedron,

La





La Magrina d' Surghin,  
La Castora d' Cavrin,  
E la Rucchia, e la Ruffina,  
La Rinalda, e l' Agustina.  
Questi tutt cha vò contà  
San tgnir ben la Roccha a là,  
Mò a in prè dir sia altr cent  
Ch' in filar son eccellent.  
Mo pr dir la conclusion  
Mi n' atrov parangon,  
E se gl' ho tutt superà  
A far sieg a gli agucchià.  
Pr filar ugal, e tond  
A n' ho par in tutt al mond,  
O vli far tella d' lin,  
Tella doppia, ò flindintin.  
Es pr sort a vli vder  
La mi ovra l' è al dver  
Ch' av mostra s' la v' pias;  
Mò ni dad pò dal nas.  
Guardà quì st' gavtin,  
E po st' alter gmiffelin,  
Quest' è stoppa, quest' è garzol,  
Ch' in d' fiv' l' mic fiol.  
Par mò a vù chal sippa bel,  
Mo vdi st' altr gmifel  
Ch' è d' tuoz, ch' vin par  
N' farevni di Cular.  
Quand a dò in t' una ruccà  
D' Garzol ben lavurà.

A fò

A fò un fil, chav sò dir mi,  
Chla feda n' n' è quasi.  
Mo s' lè po cunz mal,  
Malament al faz ugal,  
Cha favi ch' quel stropp,  
Dan impaz un poch tropp.  
Pur a jò la ptella  
E la ruffla mia surella  
Tutt al di stà a ptuar,  
E mi attend sempr a filar  
O sù donca n' manca  
S' a vli esser ben trattà  
Darm un po da lavurar,  
Cham possa sustintar.  
Dam donca s' a vli  
Lin, o stoppa, o quel ch' avi,  
Ch' pr cont dal pagament  
Al ni frà da dir nient.  
A turò robba, e quattrin,  
Tridel, remel, pan, e vin,  
Camisol, calz, e strazzua;  
Chi fran bun pr quii fiua.  
E prche al vol la rason  
Ch' a sappà quella cha son,  
Am chiam la Simona,  
E mi Madr la Barbona.  
O sù a vuoi andar in sù,  
Chan pòs star quì più,  
Ch' i patnoz stan asptar  
Ch' ai dega da biaffar.

Donn



Donn mie am arcmand,  
Vgnì d'p bot in l' nostr band,  
Ch'av daren s'a vgnì da nun  
D'p cuchl, e di Marua.

BIBLIOTECA  
COMUNITATIVA  
DI BOLOGNA

IL FINE.

Donn d'ora a vgnì  
Lin, o fognì a d'el  
Ch'p'ont del p'ognì  
Al m' d' d' d' d' d'  
A tuo r'p' d' d' d'  
T'nd' d' d' d' d'  
C'nd' d' d' d' d'  
Chi f' d' d' d' d'  
E p' d' d' d' d'  
Ch' d' d' d' d'  
Am d' d' d' d'  
E m' d' d' d' d'  
O d' d' d' d' d'  
Ch' d' d' d' d' d'  
Ch' d' d' d' d' d'  
Ch' d' d' d' d' d'

ABO

